

O zefire

Ti si sunce koje blista
s nebeskih visina,
drugi Resuli su zv'jezde
što sjaje iz tmina.

*O zefire kad poletiš
do medinskih strana,
poselami onog što ga
moja duša sanja ./.2x*

Ti si kao cvijet nježan,
kao mjesec ponosan.
Ti si more od icrama,
najljepši Ti si san.

O zefire kad poletiš...

Kao sedef sjajni školjkin
kada se rastvori.
Takav je tvoj osmjeh blagi
kada progovoriš.

O zefire kad poletiš...

Takav miris ne imadu
Ni zafran ni mošus.
Ko zemljica što pokriva
Tvoje tijelo i kosu.

O zefire kad poletiš...